



SLUŽBA ZA DRUŠTVENE DJELATNOSTI I POSLOVE MJESNIH ZAJEDNICA

Org. broj	Klas. broj	Red. i broj	Broj priloga
01/2-36-77/26			

Na osnovu člana 23., 56. i 57. Statuta općine Ilijaš ("Službene novine Kantona Sarajevo", br. 20/09-prečišćeni tekst i 46/18), člana 5. Odluke o stipendiranju učenika i studenata sportista sa područja Općine Ilijaš ("Službene novine Kantona Sarajevo", broj 49/16) i člana 3., 4. i 5. Pravilnika o stipendiranju učenika i studenata sportista sa područja Općine Ilijaš broj:01/2-40-38/17 od 06.01.2017.godine, broj:01/2-40-38.1/17 od 27.12.2017.godine, broj:01/2-36-2601/20 od 14.12.2020.godine, broj:01/2-36-331/22 od 16.02.2022.godine, broj:01/2-36-60/2024 od 08.01.2024.godine, broj:01/2-36-806/2025 od 07.04.2025.godine i broj:01/2-36-70/2026 od 09.01.2026.godine, Načelnik općine Ilijaš raspisuje:

## KONKURS

za stipendiranje učenika i studenata sportista sa područja Općine Ilijaš za školsku/akademsku 2025/2026.godinu

### I - OPĆE ODREDBE

Pravo prijave na konkurs za dodjelu stipendija imaju učenici i studenti koji ostvaruju vrhunske sportske rezultate, koji imaju prebivalište na području Općine Ilijaš, a koji ispunjavaju sljedeće opće uslove:

- da je državljanin BiH;
- da ima prebivalište na području Općine Ilijaš najmanje 3(tri) godine prije objave Konkursa;
- da ima navršenih 7 godina;
- da je takmičar u kontinuitetu najmanje 3 godine i
- da je član kluba koji je prijavljen u matičnom Sportskom savezu Bosne i Hercegovine.

**Stipendija se ne može dodijeliti učeniku/studentu koji prima stipendiju po drugom osnovu.**

Stipendije se dodjeljuju za jednu školsku godinu, a isplaćivat će se za devet mjeseci u iznosu od 150,00 KM mjesečno, iz namjenski obezbijeđenih budžetskih sredstava Općine Ilijaš.

Općina će u toku školske/akademske 2025/2026.godine dodijeliti ukupno 5 (pet) sportskih stipendija za učenike i studente koji postižu vrhunske sportske rezultate na domaćim i međunarodnim takmičenjima.

Broj dodjeljenih stipendija može se povećati za 20% u odnosu na prethodno definisan broj stipendija, u slučaju kada je u prethodnoj godini ostvaren značajan broj vrhunskih sportskih rezultata na međunarodnim takmičenjima.

## II – KRITERIJ ZA IZBOR KANDIDATA

Utvrđivanje rang liste kandidata za dodjelu stipendija vrši se na osnovu ostvarenih rezultata u prethodnoj 2025.godini u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija, a vrjednuju se aktuelni rezultati, i to:

- osvojeno 1., 2., i 3. mjesto na Olimpijskim i Paraolimpijskim igrama, Svjetskim prvenstvima i kupovima, Evropskim prvenstvima i kupovima, Evropskim i Mediteranskim igrama, Balkanijadi i međunarodno priznatim sportskim takmičenjima;
- osvojeno 1., 2., i 3. mjesto na međunarodnim sportskim takmičenjima – minimalno osam država iz kalendara takmičenja;
- ostvarena najmanje jedna pobjeda na evropskom, svjetskom i olimpijskom, odnosno paraolimpijskom takmičenju,
- osvojeno 1., 2., i 3. mjesto na državnom prvenstvu.

Vrjednovanje rezultata se vrši tako što se boduje najbolji aktuelni rezultat takmičara. Ukoliko je takmičar postigao više rezultata na jednom (nivou) takmičenju vrjednuje se samo jedan najbolji rezultat.

Ukoliko dva kandidata imaju isti broj bodova nakon bodovanja najboljeg aktuelnog rezultata, rangiranje se vrši na osnovu drugog postignutog rezultata, sve dok se ne utvrdi razlika u bodovima.

**Takmičarima iz matičnih sportskih saveza koji nemaju jedinstvenu međunarodnu sportsku federaciju broj bodova za plasmane na međunarodnim takmičenjima umanjuje se za 30%.**

**Rezultati u neolimpijskim sportovima vrjednuju se sa 30% bodova manje u odnosu na olimpijske sportove.**

## III – POTREBNA DOKUMENTACIJA

Kandidati koji konkurišu dužni su dostaviti sljedeća dokumenta (original ili ovjerene fotokopije):

- zahtjev za dodjelu stipendije uspješnim sportistima sa tačnom adresom, brojem-kontakt telefona i ostalim kraćim podacima (obrazac zahtjeva može se preuzeti sa zvanične web stranice Općine [www.ilijas.ba](http://www.ilijas.ba) ili na info-pultu Općine, koji je zbog izvođenja radova izmješten iz zgrade općine u prostorije Biznis centra u zgradi JU "KSC I RADIO ILIJAŠ"),
- izjavu da kandidat ne prima stipendiju po drugom osnovu (Izjava se izdaje i ovjerava u Centru za pružanje usluga građanima - zbog izvođenja radova izmješten iz zgrade općine u prostorije Biznis centra u zgradi JU "KSC I RADIO ILIJAŠ"),
- potvrda o redovnom školovanju (Izdaje Sekretarijat škole ili Studentska služba fakulteta),
- izvod iz matične knjige rođenih,
- uvjerenje o državljanstvu (ne starije od 6 mjeseci),
- uvjerenje o kretanju podnosioca molbe ili roditelja – staratelja ukoliko je podnosioc molbe maloljetan, ne starije od 30 dana. Uvjerenje služi kao dokaz prebivališta na području općine Ilijaš (Izdaje Policijska Uprava Ilijaš),

- ovjerenu kopiju takmičarske knjižice ili u slučaju ne posjedovanja takmičarske knjižice dostaviti izjavu da sportski klub/savez ne izdaje takmičarsku knjižicu, (Izjava se izdaje i ovjerava u Centru za pružanje usluga građanima - zbog izvođenja radova izmješten iz zgrade općine u prostorije Biznis centra u zgradi JU "KSC I RADIO ILIJAŠ"),
- potvrdu da je klub takmičara član matičnog sportskog saveza BiH,
- potvrdu matičnog sportskog saveza o postignutim sportskim rezultatima podnosioca prijave u 2025.godini, (obavezno navesti koliko godina u kontinuitetu se takmičar takmiči, podatke o broju zemalja učesnica na međunarodnim takmičenjima na kojim je takmičar osvojio jedno od prva tri mjesta).

#### IV- NAPOMENA

**Konkurs ostaje otvoren 15 dana od dana objavljivanja.**


Zahtjev za dodjelu stipendije uspješnim sportistima se podnosi obavezno na propisanom obrascu (obrazac zahtjeva može se preuzeti sa zvanične web stranice Općine [www.ilijas.ba](http://www.ilijas.ba) ili u Centru za pružanje usluga građanima Općine Ilijaš, koji je zbog izvođenja radova izmješten iz zgrade općine u prostorije Biznis centra u zgradi JU "KSC I RADIO ILIJAŠ"). Zahtjev se pričvršćuje na zapečaćenu kovertu u kojoj se nalaze dokazi o ispunjavanju uslova Konkursa. Koverta sa zahtjevom se predaje lično na **Protokol općine Ilijaš**, (zbog izvođenja radova izmješten iz zgrade općine u objekat B općine-II sprat) sa naznakom: „Prijava za sportske stipendije“ - Ne otvarati!

Dokumenti dostavljeni uz prijavu na Konkurs neće se vraćati kandidatima.

**Neblagovremene prijave neće se uzimati u razmatranje.**

Konačna lista kandidata koji su dobili stipendiju bit će objavljena na Oglasnoj ploči i web stranici Općine Ilijaš.

Sve dodatne informacije mogu se dobiti u Službi za društvene djelatnosti i poslove mjesnih zajednica Općine Ilijaš (soba 31) ili na tel. Broj: 033-580-691.

Obradivač:  
Pomoćnik načelnika  
  
Sanja Zagorac-Jozić



Broj: 01/2-34-44/2026  
Ilijaš, 15.01.2026.godine

Ul. 126. ilijaške brigade br. 16, 71380 Ilijaš  
Tel. ++387 33 580-620, 580-690, fax. 400-505,  
e-mail.drustvenedjelatnosti@ilijas.ba

